

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-28862/23
Sarajevo, 30.01.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Prihvata se ponuda ponuđača „Bersia“ d.o.o. Sarajevo sa ponuđenom cijenom za ugovor u iznosu od 22.225,00 KM bez PDV-a, odnosno 26.003,25 KM sa PDV-om, u predmetu pregovaračkog postupka bez objave obavještenja o nabavci - „Izvođenje nepredviđenih radova na rekonstrukciji krova sale za tjelesni odgoj u JU Gimnazija Dobrinja i JU Peta Gimnazija po ugovoru br. 02/12-45-16213/23 od 12.09.2023. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke dostavio ovjerenu dokumentaciju koja se odnose na član 45. stav (2) tačka od a) do d) Zakona (a za koje je dostavio dokaze da je podnio zahtjeve za izdavanje od strane nadležnih organa).

Obrazloženje

Na osnovu dostavljenog Izvještaja o radu Komisije za javne nabavke radova i preporuke za dodjelu ugovora konstatovano je da je Služba za investicije i komunalne poslove aktom 02/08-19-21096/23 MRU od 26.12.2023. godine tražila pokretanje pregovaračkog postupka za dodatne i nepredviđene radove jer je tokom realizacije Ugovora broj 02/12-45-16213/23 od 12.9.2023. godine - „Izvođenje radova na rekonstrukciji krova sale za tjelesni odgoj u JU Gimnazija Dobrinja i JU Peta Gimnazija“ od stručno-tehničkog nadzora „Smajić-inženjering“ d.o.o. Goražde dostavljen akt broj 849-U-23 od 20.10.2023. godine kojim se konstatuje da su na limenom pokrovu objekta u neposrednoj blizini svjetlosnih kupola uočeni nedostaci koji mogu biti uzrok prokišnjanja krova te da je osim izmjene kupola neophodno riješiti i pitanje oštećenog pokrova koje je dao izvođač kroz ponudu od 20.10.2023. godine, te je stručni tehnički nadzor potvrdio predmjer svih nepredviđenih radova koje je neophodno izvesti da bi se postigla zadovoljavajuća kvaliteta prostora za izvođenje nastave, te zaustavila dalja oštećenja uzrokovana prokišnjanjem. Obzirom da Općina projekat sanacije vrši u saradnji sa sufinansijerom Ministarstvom za odgoj i obrazovanje Kantona Sarajevo potpisan je i Aneks 2 Sporazuma o saradnji na realizaciji projekta rekonstrukcije krova sale za tjelesni odgoj u JU Gimnazija Dobrinja i JU Peta gimnazija broj 02/08-19-2954/22-2 od 11.12.2023. godine kojim su obezbijedena dodatna sredstva sa finansiranjem neophodnih nepredviđenih radova.

Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o

pokretanju postupka javne nabavke br. 02/12-19-28862/23 od 28.12.2023. godine - „Izvođenje nepredviđenih radova na rekonstrukciji krova sale za tjelesni odgoj u JU Gimnazija Dobrinja i JU Peta gimnazija po ugovoru br. 02/12-45-16213/23 od 12.09.2023. godine“, putem pregovaračkog postupka bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-28862/23 od 08.01.2024. godine pravnom licu „Bersia“ d.o.o. Sarajevo.

Zapisnikom o otvaranju ponuda od 15.01.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Bersia“ d.o.o. Sarajevo. Nakon što je Komisija izvršila analizu dostavljene ponude i utvrdila da ispunjava formalno-pravne uslove utvrđene tenderskom dokumentacijom, pristupilo se postupku pregovaranja, a nakon što su stručna tehnička lica Komisije izvršila analizu ponuđenih cijena za pozicije koje su predmet pregovaranja. U toku postupka pregovaranja dana 15.01.2024. godine, stručna tehnička lica Komisije su pregovarala sa ovlaštenim predstavnikom ponuđača, o mogućnosti smanjenja cijene ponude o čemu je sastavljen zapisnik, te je ponuđač pozvan da u roku od 3 dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. BPO-191424 od 16.01.2024. godine sa ponuđenom cijenom za ugovor u iznosu od 22.225,00 KM bez PDV-a, odnosno 26.003,25 KM sa PDV-om. Komisija je izvršila računsku kontrolu ponude i konstatovala da nije bilo računске greške.

Komisija je izvršila uvid u osnovni ugovor zaključen sa ponuđačem, ugovore koji za predmet imaju slične radove, mišljenje stručnog tehničkog nadzora – Smajić-inženjering“ d.o.o. Goražde broj 849-U-23 od 20.10.2023. godine, te su stručna tehnička lica Komisije utvrdila da, iako ponuđač u konačnoj ponudi nije smanjio cijenu, iste su usklađene sa tržišnim, a što je i konstатовano mišljenjem stručnih tehničkih lica Komisije broj 02/12-19-28862/23 od 22.01.2024. godine. Na osnovu navedenog Komisija je dala preporuku za dodjelu ugovora ponuđaču „Bersia“ d.o.o. Sarajevo.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

